

PROGRAMA DE EMPLEO CON APOIO COMO MEDIDA DE FOMENTO DE EMPREGO DE PERSOAS CON DISCAPACIDADE NO MERCADO ORDINARIO DE TRABALLO

CONVOCA

Consellería de Traballo e Benestar

OBXECTO

Subvencionar aos promotores de proxectos con apoio para financiar os custos laborais e de Seguridade Social dos preparadores laborais contratados para levar a cabo accións de apoio ás persoas con discapacidade severa e con maiores dificultades de inserción laboral en empresas do mercado ordinario de traballo de Galicia.

PROMOTORES DE PROXECTOS DE EMPREGO CON APOIO E ENTIDADES BENEFICIARIAS.

Asociacións, fundacións e outras entidades sen ánimo de lucro, centros especiais de emprego e empresas do mercado ordinario de traballo, incluídos traballadores autónomos, que conten no seu cadro de persoal con preparadores laborais especializados ou se comprometan a incorporalos e que dispoñan dos recursos materiais necesarios que garantan un desenvolvemento idóneo dos programas de emprego con apoio.

TIPO DE AXUDA E CONTÍAS

- **Subvencións destinadas a financiar os custos salariais e da Seguridade Social** que se xeren durante o período de desenvolvemento do proxecto de emprego con apoio, derivados da contratación de preparadores laborais polas entidades promotoras de emprego con apoio.

A contía das subvencións establécese en función do número de traballadores e traballadoras con discapacidade contratados/as por unha empresa do mercado ordinario de traballo mediante un contrato indefinido ou de duración determinada, sempre que a duración sexa como mínimo de seis meses, correspondendo:

- 6.600 € anuais por cada traballador/a con parálise cerebral, con enfermidade mental ou con discapacidade intelectual, cun grao de discapacidade recoñecido igual ou superior ao 65 %.
- 4.000 € anuais por cada traballador/a con parálise cerebral, con enfermidade mental ou con discapacidade intelectual, cun grao de discapacidade recoñecido igual ou superior ao 33 % e inferior ao 65%.
- 2.500 € anuais por cada traballador/a con discapacidade física ou sensorial cun grao de discapacidade recoñecido igual ou superior ao 65 % e persoas xordas e con discapacidade auditiva, cun grao de discapacidade recoñecido igual ou superior ao 33 %.

DISCAPACIDADE

Estas subvencións reduciranse proporcionalmente en función da duración dos contratos dos traballadores con discapacidade así como en función da duración da xornada no suposto de que o contrato sexa a tempo parcial.

Tendo en conta a posible adecuación dos proxectos de emprego con apoio á dispersión do tecido productivo galego subvenciónanse os custos de desprazamento cando un mesmo preparador ou preparadora laboral teña que prestar apoios en centros de traballo ou empresas de distintos concellos.

- **Subvencións destinadas o desenvolvemento de plans de prospección de emprego con apoio:** incluírán actuacións de promoción, difusión, asesoramento, busca activa, selección, entrevista, consulta e información aos potenciais empregadores dos traballadores e traballadoras con discapacidade cuxa inserción laboral perséguese mediante os proxectos de emprego con apoio.

A subvención destinarase a financiar os custos laborais e de Seguridade Social de ata dous prospectores ou prospectoras de emprego con apoio por entidade e cunha duración máxima anual de seis meses. A subvención incrementarase nunha contía de 375 euros por prospector/a e mes para financiar os custos de desprazamento.

- **Subvencións destinadas a formación práctica na empresa previa á contratación:** subvenciónanse os custos laborais e de Seguridade Social derivados da contratación dos preparadores ou preparadoras laborais no proceso de formación práctica na empresa previa á contratación das persoas con discapacidade destinatarias do programa de emprego con apoio. O período de formación poderá variar en función da dificultade do posto e das características concretas das persoas con discapacidade participantes e terá unha duración máxima dun mes e cunha xornada de ata catro horas diarias. A contía da subvención será proporcional ao período en que cada traballador ou traballadora con discapacidade estea recibindo apoio durante o desenvolvemento da formación práctica na empresa previa á contratación e ao número de traballadores ou traballadoras con discapacidade atendidos/as, sen que o importe máximo da subvención por cada traballador ou traballadora con discapacidade poda ser superior a un terzo dos custos do preparador ou preparadora laboral.

PRAZO

O prazo de presentación de solicitudes será dun mes contado a partir do día seguinte ao da publicación da orde no Diario Oficial de Galicia. **(Para o ano 2010 o prazo remata o día 31 de maio de 2010).**

NORMATIVA

Orde do 23 de abril de 2010, pola que se establecen as bases reguladoras do programa de promoción da integración laboral das persoas con discapacidade na empresa ordinaria, cofinanciado polo Fondo Social Europeo, e do programa de emprego con apoio, como medida de fomento do emprego de persoas con discapacidade no mercado ordinario de traballo, e se procede a súa convocatoria para o ano 2010 (DOG N° 81, do 30 de abril de 2010).

ENLACES

 [Orde do 23 de abril de 2010 \(DOG nº 81 do 30 de abril de 2010\)\(317 Kb\)](#)

 [Solicitud TR341L\(662 Kb\)](#)